

ГАЙРАТ БИЛАН ИШЛАШМОҚДА

Шахримизнинг Афросиёб кўчасида бунёд этилган 2 та 9 қаватли уйларда ушбу кунларда қурилиш-тиклаш ишлари жадаллик билан олиб борилаётган. Хар бири 36 хонадонга мўлжалланган 1 ва 2-ўйлар «Узуйжамгармабанк» буюртмасига асосан қад ростламоқда.

Уйларни 1-ўйсозлик компанияга қарашли 26-қурилиш бошқармаси қурувчилари бунёд этишмоқда. Бу азаматлар уй-жой бунёд этишда ўзига хос тажриба тўплаган. Улар Госпиталь даҳасидаги 36, 37, 38 ҳамда 39-ўйларни кўркам ва сифатли қилиб қуриб битказиб, эгаларига совға қилишди.

— Бугун бешинчи-олтинчи қаватларни тиклаётган уйларимизнинг барчаси 4 хонадон иборат бўлиб, унда шарқона урф-одатларимиз ҳисобга олинган, — дейди ишбоши Олимжон Усмонов. — Барча хоналар кенг ва шинам бўлади, икки тарафлама айвон ҳам яшовчиларга яратилган қурилайликдир. 2 та ёна-ён жойлашган уйлар баб-баравар қад ростламоқда. Бунёдкорлик ишларини бир зум ҳам бўшаётган олиб бораётган 50 дан ортиқ қурувчиларимизнинг ишлари 2 сменда ташкил этилган.

— Энг муҳими, — дейди уста Фарҳод Усмонов, — хар бир қурувчи бажарадиган вазифасини аниқ белгилаб олган. Хар бир бригада бошлиғи ана шу вазифаларни сифидилдан адо этишда қурувчиларга бош-қош. Айниқса, ҳозир пайвандчи ва тикловчиларимизнинг кўли кўлига тегмапти. Қайом Шерқўзиев, Шухрат Улуғжоев, Тўхта Маматниёзов сингари пайвандчи ва тик-

Мулкдор... Кейинги аср мобайнида бу сўзнинг луғавий маъноси ҳам, ижтимоий маъноси ҳам бир неча бор ўзгарди.
Бозор иқтисодиётидаги янгиликлар ва мулкдорлар синфининг пайдо бўлишидан ҳосил этилажак самара шундан иборатки, бу жараён бойликлар йиғишга бўлган одамлар руҳиятини, меҳнатнинг пировард натижаларидан моддий манфаатдорлик ва мулк соҳиби бўлишга интилиш тизимини тамомила ўзгартириб юборади.
Президентимиз ўз асарларида таъкидлаганидек, хар бир инсон, хар бир оила айрим-айрим ҳолда бой бўлган, тadbиркорлар — мулкдорлар синфи пайдо бўлиши билан ўзини намойён этган тақдирдагина жамият ҳам бой бўлиши мумкин.

Бу жараённи амалга ошириш ва тезлаштириш ҳамда уни реал амалий натижага айлантириш учун кўплаб норматив ва қонуний актларни жорий қилиш, илгарилари баён этилган мақола ва янги ёндашиш, устувор йўналишлар ва маблагларни ишлаштириш масаласига янги маъно кашф этиш, барча диққат-эътиборни бозор муносабатларини бошқаришда иқтисодий усулларга қаратиш талаб этилади.

Муносабат

ТАЯНЧ НУҚТАСИ

Таянч нуқтаси ҳисобланган, кичик ва ўрта тadbиркорлик тузилмалари кўпқаблатли иқтисодиёт тизимида ҳали ўзини тўлиқча намойён этолмапти. Нафсламборини олганда, эндигина бозорга кириб келиб, у билан уйғунашишга ҳаракат қилмоқда.

Жамиятнинг иқтисодий муносабатлари тизимида хусусий мулкчилик ва мулкдорлар синфининг қарор топиши таъкидлий муаммолар билан бир қаторда бозор иқтисодиёти ва унинг тузилмаларини бошқаришнинг назария ва амалиётда ҳам муҳим масалаларни олдинга сурмоқда.

Ишлаб чиқаришнинг хусусий секторига қарашли янги корхоналарни рўйхатдан ўтказиш чоғида дастлабки бугун сифатида корхоналарнинг моҳиятини аниқлаш муаммосини ҳал қилиш лозим. «Корхоналар тўғрисида»ги қонун корхоналар фаолиятини рўйхатдан ўтказишда уларнинг ҳуқуқий мустақиллигини биринчи ўринга қўяр экан, янги ташкил этилаётган корхона иқтисодий жиҳатдан бозорга киришга тайёрми, деган савол билан қизиқади.

Бозор иқтисодиёти қарор топган мамлакатларда биринчи навбатда янги корхона ўз ишлаб чиқариш ҳаракатларини қоплаб олади, бозордаги нархлар билан муомалада фойда келтира олади, деган масалалар қизиқтиради. Яъни, янги ташкил этилаётган корхоналарнинг фаолият доирасининг дастлабки иқтисодий ҳисоб-китоб бўйича имкониятлари текшириб кўрилади.

Демак, бу ҳол бизда, ҳозирги кунда мулкчиликнинг тегшли шакллари ва корхоналарни ташкил этишнинг шакллари у ёки бу жиҳатдан керакли суръатларда тараққий этиши учун иқтисодий мақбуллик даражаси керакли даражага кўтарилган.

Мулкчилик шаклидан қатъий назар корхоналарнинг бозор муносабатларига ўтиш чоғида иқтисодий имкониятларнинг ўзига хос эксперт минимумини барпо этувчи илгор мамлакатларнинг бозор иқтисодиётини бизнинг заманимизга олиб кириш пайти келди.

Президентимиз Ислоҳ Каримов Вазирлар Маҳкамасининг 1997 йил 26 февралдаги «Исҳохотлардаги изчиллик оми» инсон манфаатларини таъминлаш — инсон мавзуида қилган маърузасида янги корхоналарни ташкил қилиш пайтида кўрилаётган чоралар етарли самара бераётганлиги хусусида тўхталиб шундай

деган эдилар: «Қорхоналарни ҳиссадорлик жамиятларига айлантириш жараёни расмийлик учун, ниҳоятда сусткашлик билан амалга оширилмоқда... Корхоналар ўз мулкчилик шаклини ўзгартирди, аммо уларнинг фаолиятида кескин ва сезиларли ўзгаришлар сезилмапти».

Яна бир қорхоналарнинг хусусий мулкчиликка ўтиши билан чамбарчас боғлиқ кетадиган масала — Ўзбекистон иқтисодиёти тузилмалари ва таркибини такомиллаштиришдир. Президентимиз Ислоҳ Каримов халқ ҳўжалиги ва иқтисодиёт тизимини янада такомиллаштириш масаласини иқтисодий ўсиш динамикаси, бозор муносабатларини такомиллаштириш, қорхоналаримизда ҳўжалик юритишда даромад ва фойдани ошириш билан узвий боғлиқ ҳолда ҳал этиш масаласини ўртага қўймоқдалар.

Иқтисодиёт тизимини оптималлаштириш-иқтисодий мустақиллик ва Ўзбекистон суверенитетини таъминлаш, унинг жаҳон ҳамжамиятига киришидаги бош йўли бўлиши билан биргаликда мулкдорлар-тadbиркорлар синфини шакллантиришнинг муҳим моддий замиридир.

Мазкур масаланинг гоёси шундан иборатки, республикадаги мавжуд ресурслар ва талаб-эҳтиёжларни ҳисобга олмай туриб амалга оширилган аввалги умумийтифоқ ишлаб чиқаришни иқтисодлаштириш таомили асосида республика ҳудудида ташкил этилган ва ҳозирда ҳам ишлаётган қорхоналар билан имкони борича тезроқ «орани очиб қилиб олиш» лозим. Зероки, бунда қорхоналарнинг аксарияти ҳозирги кунда оғир аҳволда қолган. Бу нараса, айниқса, бозор ҳўжалик фаолиятига ва иқтисодий эркинликлар тизимига янги талаблар қўйётган бир пайтда айниқса кўзга аққол ташланмоқда.

Шу аснода мазкур қорхоналар иқтисодиёт ва бозорни ислоҳ қилишнинг умумий вазифаларидан келиб чиққан ҳолда, республика эҳтиёжини инобатга олган ҳолда ўз ишлаб чиқаришларини қайта ташкил этишлари ёки уларни истикболсиз қорхоналар сифатида ёпиш керак, деган фикр туғилади. Мазкур жараён катта ҳажмдаги инвестиция маблагларини ва капитал маблагларини (шу жумладан хорижий) талаб қилиши билан биргаликда бу масала билан боғлиқ кўплаб бошқа муаммоларни ҳам ечишни талаб этади. Зероки мазкур жараён меҳнатга лаёқатли аҳоли манфаатлари билан боғлиқ бўлиб, уларни «ишга» жойлаштириш масаласи ҳам келиб чиқади. Бундан ташқари республикада тугалланмаган технологик циклга эга бўлган катта миқдордаги ишлаб чиқариш қувватлари мавжудлигини инобатга оладиган бўлсак, бу ҳам катта маблагларни ва кўплаб ресурсларни талаб қиладди, чуқри фақат шу йўл билангина иқтисодий ўсиш учун қўшимча имконият яратувчи қувватларни ишга тушириш мумкин бўлади.

Юқорида баён этилганлардан давлат иқтисодий сўбатининг энг асосий йўналишларидан бўлган бозор муносабатларини қарор топтириш ва янги мулкдорлар синфини шакллантириш бир кунлик аҳамиятга эга бўлмай, балки у халқ ҳўжалиги муаммоларининг барча қирраларини ва амалга оширилаётган ислохотларнинг барча вазифаларини ўзига жамлаган. Бу иш комплекс равишда ёндашишни ва бу тизимдаги умумий чоратadbирлардан устувор йўналишларини белгилаб олишни тақозо этади.

Баҳодир КАЛОНОВ,
Тошкент Давлат Иқтисодиёт университети профессори.



Бектемир туманида жойлашган «Сувмаш» ҳиссадорлик жамияти меҳнат аҳли сифатли маҳсулотлар яратиш йўлида сифатли ишлашмоқда.

СУРАТЛАРДА: 20 йилдан бунён токарлик касбида ишлаб, ҳурмат-эътибор қозонган Шавкат Мингалеев ўз вазифасини бажариш йўлида тинмай ишлаб; қорхона маҳсулотлари.



Рустам Шарипов олган суратлар.

МЕҲРИГИЁ

«Кайсики, оилада илму урфон нихолларига парвариш кучли бўлса, ушбу оила боғи сира завоқ кўрмас, меваларидан эл-улус кўпроқ баҳра олар. Билим заминидан кучқудрат олувчи хонадон бўстонида ҳаммаишай файзу борақа гуллари очилиб, бахту саодат булбулларининг хушхон навоси янграб тургай...»

Қадимийлик нафаси уфуриб турган ушбу парчадаги иборатли фикрлар абадул-абад эскирмаслиги шўбасиз. Акмал Икромов туманидаги Отажон Ҳошим кўчасида яшовчи Азиза Исомиддинова хонадон мисолида ушбу ҳақиқатларнинг қарра исботланиши мумкин десак, сира янглишмаган бўламиз.

Ушбу оиладагилар ўз шажараларини яхши билишади. Зеро, уларнинг аجدодлари ҳам илм-фан, маданият, санъатга алоҳида меҳр қўйган кишилар бўлишган. Туртинчи катта авлод вақиллари шоира Увайсий сўхбатидан баҳра олишган, учинчи авлод эса Фитрат, Чўпон, Теша Зоҳидов каби шоиру олимлар ижодий доирасида муносиб иштирокчилик қилишган. Иккинчи авлод ҳам Эркин Воҳидов, Ҳўткир Ҳошимов, Абдулла Орипов каби замонамизнинг пешқадам ижодкорлари билан дўст, даврдадор бўлишган. Оилада фарзандлар тарбияси ҳам шу аъёнлардан натижасида шаклланди. Бу катталарга иззат-ҳурмат тўғрисида ҳосил қилиш билан бир қаторда мустақил фикрлаш, ўзлигини муайян томонлардан намойён эта олиш учун шарт-шароитлар ҳам яратган.

Оила бошлиғи Азиза ая олий маълумотли педагог. 1933 йилдан бошлаб ўқитувчилик қилган. Ҳалқ

маорифи аълоҳиси, қатор нишонларга сазовор муаллим. Кўп йиллар давомида ёш авлодга ўзбек тили ва адабиёти фанидан сабоқ берган. Она фарзандларига уч-тўрт ёшидан ҳарф ўқитиш, шаклар ақратиш, сўзларни тўғри талаффуз этиш машқлари орқали таълим беришга ўрганган. Эҳтимол, шу босишда улар мактабни олтин, кумуш медал, олий ўқув юртини имтиёзли диплом билан тугаллашган. Ҳозирда қишлоқ ҳам Азиза аянинг болаларга 3—4 ёшидан сабоқлар бериш одатини давом эттиришапти.

«Аҳил оипа — муқаддас Ватан» танловига

Ушбу оила учун асосий фаолият соҳаси — ўқитувчилик, таълим-тарбия, филология фанлари номзоди, ТошДУ доценти Омонило Мадаевнинг радио ва телевидениедаги эшитириш курсатувлар, илмий китобларни радио адабий-танқидий, таҳлилий мақолалари орқали ўз соҳасининг билимдон мутахассиси сифатида кўпчилик танийди. Унинг рафикаси — Муҳаббат Мадаева ҳам 25 йил мактабда ўзбек тили ва адабиёти ўқитувчиси бўлиб ишлаган. Уларнинг барча фарзандлари олий маълумотли, ўз касбининг фидойилари. Қизлари Шаҳноза эса 25 ёшида фалсафа фанлари номзоди илмий даражасига эга бўлган. 14 кишидан иборат оила аъзоларидан тўрт нафари мусиқа асбобларида кўйлар ижро этишни яхши билишади. Оилавий тарзда янги чиққан китоб, рисолалар муҳокама қилинади, театр томошаларига, концертларга мунтазам бориб турилади. Маданий — эстетик тарбиянинг тўғри йўлга қўйилганиги бир-бирлари билан, кўни-кўшилар билан муомала қилишга, рўзгор юритиш тарзига ижобий таъсир кўрсатиб келимоқда, ал-

батта. Хонадон Аброр Ҳидоятлов номли маҳалладаги энг намунали оиладан ҳисобланиши, эл орасида катта обрў-эътиборга эгаллиги ҳам бежиз эмас.

ТОТУВЛИК

Мевали дарахт гулининг уртасида кичик бир тугунча бор. Табиатнинг тақдирини, инсоннинг ризқи, қўйиники, ўтмишимизу келажакимиз шу тугунчанинг тугилишига уйғун, боғлиқдир. Китъалар бор, мамлакатлар бор, музофотлар, вилоятлар бор, туманлару маҳалалар бор. Уларнинг ҳам марказида кичик бир тугунча бор. Жамиятнинг тақдирини, юртимиз шу тугунчанинг тинчлигига, меҳнатига, оромлигига ва халқ ташвишига боғлиқ. Бу — оиладир.

Собир Раҳимов туманидаги Чуқурсой кўчасида бир уй бор. Ҳовлига киришингиз билан саранжом-сарихталлик, озодалик устуворлигини сезасиз. Турли-туман гуллар, кў-

катлар экилган, кўпгина мевали ва манзарали дарахтлар соя-салқин ташлаб турган ҳовлидаги файз кўнглингизга ором баҳиш этади. Бу уйда Мирпўлатовлар оиласи истиқомат қиладди.

Мирақбар ака турмуш ўртоғи Назира опа билан 8 ўғил, 3 қизни тарбиялаб, воёга етказишди. Ҳозирда фарзандларнинг барчаси оилали, уйли-жойли бўлиб турмуш кечирмоқда. 8 келин ва 3 қўв ташқирлар уланган хонадонда 28 нафар невару улғаймоқда.

Мирақбар ака олий маълумотли тарихчи-педагог. Кўп йиллардан бери халқ таълими соҳасида унумли фаолият кўрсатиб келмоқда. Ҳозирда эса хунар-техника лицейи директори. Қаҳрамон она — Назира ая эса фарзандлару неваралар тарбияси билан банд. Улар ўғил-қизларни билимли, бой маънавий дунёга эга қишлоқ қилиб воёга етказишда меҳнатсевар бўлишларига алоҳида эътибор беришади. Томорқада ва хонадондаги иссиқхонада турли сабзавот, полиз экинлари бевосита хонадон аъзоларининг баҳамжиҳат меҳнати билан етиштирилади. Шунингдек, бу оилада бодорчилик билан ҳам шугулланилади. Турли касб эгалари сифатида фаолият кўрсатиши билан бир қаторда оила аъзолари ҳамма биригаликда тер тўкиб, ҳосил етиштириш учун ишлашга ёшлқдан ўрганишган.

Зеро, ўзаро бирдамлик, баҳамжиҳатлик, аҳиллик тотувлик нишонасидир. Тотувлик бор жойда эса кут-баракат сира аримайди, турмуш янада гўзал, ширин бўлиб бораверади. Мирпўлатовлар хонадониде бирон муаммо юзага келса, бамаслаҳат халқ қилинади. Бунда Назира

аяннинг хизматлари катта, албатта. Фарзандларнинг, келин-куёвларнинг бир-бирлари билан аҳил-иноқ яшашларида, оқила, тажрибали уй бекаси Назира аянинг қимматли йўл-йўриқлари, ўғитлари муҳим аҳамиятга эга. Мирақбар ака ҳам кўпни кўрган, маърифатли инсон сифатида ҳаммаишай каттага ҳурмат, қишқика иззат, меҳр-оқибат масалаларига алоҳида диққат билан қарайди. Маҳалладаги оилавий, мажароли масалаларни ҳал этишда ҳам отахонининг маслаҳатлари доимо асосдир.

Мирпўлат ака ва Назира ая II та қудда-анда, келин-куёвлар билан муомалани ҳам ўрнига қўйишмоқда. «Қудачилик — минг йилчилик» деган гагга айнан Мирпўлатовлар ёрқин мисолдир. Зеро бу хонадондан норизо одамнинг ўзи йўқ. Қудачиликнинг меҳру оқибати шу даражага етганики, ҳатто бир хонадондан 2 қизни келин қилиб олишган.

Оила бошлиғи Мирақбар аянинг йўлидан бораётган икки фарзанд ва уч келин ҳам халқ таълими соҳасида меҳнат қилишмоқда. Қорхона фарзандлар, келин-куёвлар турли жабҳаларда ишлаб, эл-юрт равнақи, халқ фаровонлиғи учун муносиб хисса қўшишапти.

Ҳамма маҳалласида истиқомат қилувчи ушбу хонадон аъзоларининг ҳам бўлиб йилғишлари бамисоли тўйга айланиб кетади. Чуқки, уларнинг барчаси санъатсевар, кўй-қўшиқ шинавандалари. Айниқса, келин Маъмура Мирпўлатованин чалган кўйларини, айтган қўшиқларини ҳаммаишай севиб тинглашади. Аҳиллик, бирдамлик, тотувлик меҳнатда ҳам, ҳордиқ чиқаришда ҳам, тўй-маъракаларда ҳам доимо улар билан бирга.

Маъмура РҲЗИЕВА,
Танлов ҳрмиёси — фирмаси.

Ҳадислар тўплаш, айниқса, VIII асрнинг иккинчи ярмидан бошлаб фойдаланишга эришилган. Ҳадис илми билан шуғулланиш энг фахрий машғулот даражасига етган. Манбаларда келтирилишича, саккизинчи асрнинг ўрталаридан ўн биринчи асрнинг ўрталаригача ҳадис илми билан Шарқнинг турли томонларида юзлаб муҳаддислар шуғулланган. Бутун ислом дунёсида энг нуфузли манбалар деб тан олинган олтинчи ишончли ҳадислар тўпламининг («Ас-сахих ас-ситта») муаллифлари ҳам мана шу асрда яшаб ижод қилганлар. Ҳаммага маълум улар орасида «Ҳадис илмида амир ал-мунинин», «Имом ул-Муҳаддасин» («Барча муҳаддисларнинг пешвоси») деган шарафли номга сазовор бўлган. Имом ал-Бухорий алоҳида эътиборга молик алломадир.

Унинг тўлиқ номи Абу Абдуллоҳ Муҳаммад бин Иброҳим бин Муғайра бин Бардизбаҳ ал-Жуфий ал-Бухорий бўлиб, 194 хижрийда (810 йил, 10 июль) Бухоронинг Ҳартанг қишлоғида таваллуд топган. Унинг Жуфийга нисбат берилиши бу боисданки, катта бобоси Муғайра Яман Жуфий Бухорода ҳукм юргизган Яман Жуфий улғуздаларидан эди ва у орқали бу ерларга ислом кириб келгани маълум. Муғайранинг отаси Бардизбаҳ (деҳқон маъносиди). У ҳақда Хатиб ал-Бағдодий (2-жилд, 6—11-бетлар), Ибн Халликон (4—19), Сабкий (2—212), Заҳабий (2-555), Ибн Ҳажар ал-Асқалоний (4-жилд, 4—41-бетлар), Бухорий Мунир Дамашкийнинг муқаддимасида (2-бет) маълумот бор. Ушбу манбаларда Бардизбаҳ исми куйидаги шаклларда ҳам учрайди: Язидзаб ва бошқалар. Бардизбаҳ ал-Жуфий зардуштий бўлиб, исломни қабул қилмай оламдан ўтган (Хатиб ал-Бағдодий мазкур асар: Ибн Имом, 2—131). Бу ўринда шуни айтиш жоизки, Ёқут ҳамавийнинг Бардизбаҳ Бухоро ҳокими томонидан мусулмонликни қабул қилган дегани илмий хато ҳисобланади. Мўтабар ровийлардан бўлиши отасидан эрта етим қолади. Онасининг қўлида тарбия топади. Ешлик пайтида кўриш қобилияти заифлашади, лекин онасининг дуоסי би-

лан яна кўра бошлайди. (Хатиб Бағдодий, 210, Сафдий, 2—207). Нақл қилишларича у узок сафарлардан қайтишдан аввал Хуросонда яна бир бор кўз орғига мушкул бўлган. Номазулу табиб докторлар билан уни даволаган (Сафдий, 2-208). Бухорий жуда кучли хотирага эга бўлган. 16 ёшида ибн Мубарак (вафоти 182 хижрий) ва Воқеъ бин Жарроҳ (вафоти 197 хижрий) китобларини ёд олган. Уша йили онаси ва акаси Аҳмад билан ҳаж сафарига боради ва ҳадисни ўрганиш мақсадида хижозда қолади. Бухорий ўша даврларда муҳаддислар-

га киради (Ибн Ҳажар ал-Асқалоний, 491-бет). Зухлий ва акаси мутақаллимлар Куръон лафзининг азалийлиги ҳақидаги таълимотта эргашардилар. Бухорий эса Куръон лафзининг яратилганлиги ақидаси тарафдори бўлганлиги сабабли у диндан чиққанликда айбланади. Унинг мажлисларда иштирок этиши таъкидланади. У ноилж Нисогурдан Бухорога йўл олади. Имом ал-Бухорийнинг Муслим ва Аҳмад бин Масламандин бошқа барча шогирдлари ундан узоқлашадилар. (Хатиб ал-Бағдодий, 2—30—32). Бухорога қайтар экан шаҳардан бир

Сафдий, 2—208, Ибн Халликон, 4—190, Сабкий, 2-232, Имом, 2-135). Бухорий турли шаҳарларда бўлганида кўплаб шайхлар ва уламолардан ҳадис жамлаган. Унинг зикр этишича устозлари сони мингдан ортиқ бўлган (Ибн Имом, 2—134). Устозлари орасида қуйидагилар бўлишган: Муҳаммад бин Салом ва Муҳаммад бин Юсуф Бихандий, Маккий бин Иброҳим Яхъё бин Башир аз-Зохид али бин Яҳсан бин Шафқ, Садак бин Фазл, Муҳаммад бин Исо ат-Таббобъ. Бухорий ўзидан катта ва кичик ёҳуд тенгдошларидан ҳадис илми бобидаги ривоятлар ва иснодни ёзиб олган. Шунинг учун унинг устозларини беш шартли табақага бўлиш мумкин. Бухорий шиа имомларидан ҳам восита ёки воситасиз нақлдан келтирган ва ўзининг «Саҳийҳ» китобида Имом Алидан 29 ҳадис ворид этган ва шунингдек Имом Ҳасана, Имом Бокирлардан ҳам баъзи ривоятларни келтирган. (Ҳасаний, 124 бет. Нажмий, 1—125, ал-Бокр). Кўплаб муҳаддислар турли шаҳарларда Бухорийдан ҳадислар эшитиб, ёзиб олганлар. Улардан энг биринчилари абу Зарра ва Абу Хотамлардир.



Пойтахтимизда буюк бобомиз Мирзо Улуғбекка ўрнатилган ҳайкал. Рустам Шарипов олган сурат.

Имом ал-Бухорийнинг 1225 йилпиги оламдан
МАНБАЛАРДА АЛЛОМА ҲАЁТИ

га хос одатга кўра ҳадис излаб сафарларда бўлди. Хуросоннинг шаҳарлари Жабал, Ирок, Миср, Шом, Хижозда таълиқи устозлардан ҳадисни ўрганди. У Басрада бўлганида 16 кунда 15 мингдан зиёд ҳадисни ёд олган (Ибн Аби Яъли, 1—276). Икки марта Шом, Миср, Жазирга борди, тўрт марта Басрага сафар қилди. Олти йил Хижозда яшади, Куфа, Бағдодга ҳам кўп марта сафарлар қилди. Ривоятларга қараганда юз мингга яқин ҳадисни иснод билан ва яна икки юз минг ҳадисни ёд олган (Ибн Аби Яъли, 1-275). Унинг айтишига кўра мингдан кўп шайх ҳадис жамлаган (Сафдий, 2—207), Ибн Имом (2—134).

фарсаҳ узоқликда унга бир чодир тутиб, дам олиш учун тўхтайдди. Шаҳар аҳли шошиб, унга пешвоз чиқади. Унга беадад дирхаму-динорлар тақдим этиладилар. Бухорода бир муддат бўлиб, ҳадис илми мажлисларини ташкил қилади. Уша даврда Бухоро ҳокими бўлмиш Халид бин Аҳмад Зухлий унинг мажлислари овозини эшитиб, Бухорийни ўз қасрига тақлиф қилади, илмий мажлис ўтказишни сўрайди. Бухорий тақлифни рад этади ва масжидга ёки ўз уйига боришни айтади. Албатта, ҳокимга бу гап хуш келмайди (Хатиб ал-Бағдодий, 2—33). Бошқа ривоятда айтилишича, ҳоким ундан фарзандлари учун алоҳида мажлис қуришни сўраган, лекин Бухорий барчага баробар бўлмай қоламан деб бош тортган (Уша ерда). Мунир Дамашкий асарининг муқаддимасида бошқа сабаблар бўлиши эҳтимоли ҳам айтади. Булардан ташқари Бухорода Хурайс бин аби ал-Варақа ҳам унга мухолиф бўлган кимсалардан эрди. У бошлик ғуруҳ Бухорийнинг мазаҳби хуСУСИДА УЙДИРМАЛАР тарқата бергач, охири Бухорийни сургун қилдилар (Хатиб ал-Бағдодий, 2—33).

Суннат аҳли наздида Бухорий кадрли шахсдир. Ҳадис илми уламолари унинг фазилатлари ҳақида кўп гапирганлар. Баъзи уламоларининг айтишига кўра, ҳадис бобида Бухорийдан донорор кимса бўлмаган. Муслим: «Мен бу каби кучли кимса жаҳонда йўқ деб шаходат бераман», — деб келтиради (Ибн Имом, 2—134).

Самарқанд аҳли унга мактуб йўллаб ўз шаҳарларига тақлиф қилганлар. Бухорий тақлифни қабул қилиб, йўлга отланади. Самарқанддан икки фарсаҳ масофада жойлашган она қишлоғига етгач, қавму қариндошлар ёнида тўхтайдди. Бир муддат ўтгач 256-йил хижрийда фитр байрами пайшанбага ўтар кечаси вафот этади ва уша ерда дафн этилади. (Хатиб ал-Бағдодий 2—34, Ёқут Ҳамавий, 1—121.

Имом ал-Бухорий «Саҳийҳ»ни тўплагандан сўнг Бухорога қайтади. Шаҳарлардан кўчи борар экан халқ уни жуда самимий қарши олади. Нисопурда (Нисопур) уни тўрт минг суворий чиқиб, катта тантана билан кутиб олгани маълум. У бир қанча пайт Нисопурда бўлиб, ҳадис илмий мажлисларини ўтказадди. Шу боисдан бўлса керак муҳаддис аҳлидан бўлмиш ва Бухорийнинг устози аталмиш Муҳаммад бин Яхъё Зухлий унга ҳасад қилади. Бухорий билан душманлик йўли-

Махмудхўжа НУРИТДИНОВ, Халқаро Ислом тарикат маркази мудири, фалсафа фанлари доктори.

Қадимда йил боши дунёга машҳур бўлган бирор ҳодиса ёки диёнатда муқаддас бўлган нарсадан бошланган экан. Масалан, маснҳийлар Исо алайҳиссаломнинг таваллуд топган йилидан йил боши деб ҳисоб қўришганлар. Ундан аввал эса, Нух Тўфони воқеаси йил боши ҳисобланиб келинган экан. Мен бу ҳақда Ҳикмат бобомдан кўп марта сўрашга жазм этардим, лекин ботинолмасдим.

Бир кунни бобомнинг ёру дўстлари бизниқига ҳайит кунларида ташриф буюришиб, у ёқ-бу ёқдан гаплашиб, узок ўтириб қолишди. Дастурчилик қилиб, ош-овқатга ҳабардор бўлиб туриш бахти уша кунни менга насиб қилганди. Нуроний отахонлар чойни иссиқ-иссиқ буюриб, ўзлари бобомга махтал ўтирар, мен эса бу фурсатни кўпдан кўпганим учун қўлдан чиқармаслик ниятида жоним халак эди...

Навбатдаги чойни янги-янги лаб келганимда, дастурхон четидидаги нон уволқарини бир жойга йиғатуриб, бобом менинг ташқарига чиқишини кутдилар. Меҳмонлар жамулжам бўлиб ўтирган даҳлиздан чиқарканман атайин даҳлиз эшигини очиб қолдириб, гўё ҳеч нима билмагандек чиқиб кетдим.

Бобом шундай сўз бошладилар:

— Бу воқеа Нух алайҳиссалом замонларида содир бўлган. Ўз қавмларини тўқ-қи юзу эллик йил ҳидоятга даъват қилиб, қирқ нафар эр ва аёлдан бўлак бошқа ҳеч ким Ҳақ йўлга қирмаган Нух алайҳиссалом бир кун Оллоҳга ёлвориб: «Эй, Оллоҳ, ўзинг мени, ота-онами ҳонадонимга мўйин ҳолда кирган кишилардан ва барча мўйину, мусулмаларни махфират қилгин», — деб мадад сўрайдилар.

Тўғри йил сўраб, мурожаат қиларканлар шу пайт Нух алайҳиссаломга Оллоҳ таборак ва таолодан навбатдаги ваҳий келди:

— Бизнинг ҳиқзу ҳимоямизда ваҳий таълиминиз билан бир кема ясагин. Бас, қачон бизнинг фаронимиз келиб, Ердан олов ўрнига фавворалар отилган вақтида уша кемага жониворлардан бир жуфтдан ва аҳли оилангни олгин. Қайси кимсалар устида бизнинг сўзимиз, яъни сувга гарқ бўлиши ҳақидаги ҳукмишимиз ўтган бўлса, уларни тарқ қилгин. У золим кимсалар ҳақида менга ҳитоб, илтижо қилмагин. Улар шак-шубҳасиз гарқ қилингувчилардир. Нух фарзандлари Сом, Хом, Ефас ва Каньонлар билан биргаликда кема ясашга киришадилар.

Кема тайёр бўлиб, Ердан фавворалар отилган субҳидамда Нух ҳазратлари кемага ҳар жонивордан бир жуфтдан ва аҳли оиласини чиқарди. Ривоят мана шу ерда етганида, бобомнинг ёру дўстларидан бири бир пиёла чой узатди шекилли, ровий бироз тўхтаб қолдилар. — Ҳўш, биродари азиз, кемадагилар ва Нух пайгамбарнинг кейинги тақдирларини қандай кечди? — деб сукунатни қўқорхўжа амаки бартараф қилди. Бобом яна сўзлашга чоғландилар. — Шундан кейин қирқ кеч, қирқ кундуз ҳар бир чаю, қирқ тоғдор тошидек томчиши тегиримон тошидек қатталиқда ёнғир ёғиб, дунёдаги энг баланд тоғлар

ҳам) гарқ бўлиб, сув остида қолган экан. «Нух тўфони» деб аталган бу ривоятда биз инсонлар учун яна шундай ибрат ҳам келтирилган. Ривоятда шундоқ келурки, кемада уч нарса йўқ экан. Бу уч нарса: мушук, сичқон, тўнғиз дарё ичинда пайдо бўладилар. Ана шулар орасидаги сичқон пайдо бўлиб, кемага кириб, катта кемага сув кира бошлайди. Ҳарчанд уринмасин-

зудлик билан чивинни топиб, ундан: «Нега бунча кеч қолдинг», — деб сўрайди. Чивин бўлса: «Ер юзи кенг, мавжудотлар кўп экан. Уни кезиб барча-мавжудотларнинг этини топиб қўришга кўп вақт керак бўлди. Шунинг учун кеч қолдим», — деб жавоб қилади. Қалдирғоч яна сўрайди: «Ҳўш, жами этларни татиб қўрдингми? Қайси эт энг лаззатли экан?»

Чивин: «Этлар орасида одам этидан лаззатлисини учратмадим», — дейди. Шунда қалдирғоч: «У этнинг лаззати ҳали оғзингда бўлса керак... Оғзини оч, бир хидлайин» деб қалдирғоч унинг оғзидан хидламоқчидай бўлиб, тумшуги билан унинг тилини шарт узиб олади. Уша кундан эътиборан чивин тилсиз бўлиб қолади. Бир фурсат ўтиб икковлон Нух алайҳиссалом хузурига келадилар. Интизорлик билан кутиб турганлар, чивиндан сўз сўрайдилар. Аммо чивин фақат гингиллар эди, холос. Шунда илон қалдирғочдан сўрайди: «Узи нима гап? Қалдирғоч жавоб қилади: «Мухтарам пайгамбар, мен билан гаплашганда чивин бу дунёда энг лаззатли эт — бу сув бақасининг эти», — деган эди. Сизнинг хузурингизга кеч қолгани учун айниқса, илондан қўрқгани учун гапиролмайтми?»

Бу сўзга рози бўлган илонга бака эти ризқ қилиб берилди. Агар қалдирғоч ўшанда бу улғу яшилликни қилмаганда, биз одамлар илонга емиш бўлишимиз тайин экан. — Фалакнинг гардишини қаранг... Нух пайгамбар ер юзиде ҳаётни сақлаб қолган бўлсалар, қалдирғоч бани одамзотнинг илонга емиш бўлишидан ҳалос қилган эканда, — деб қўйди, — ўтирганлар орасидаги Қўқорхўжа амаки.

...Қалдирғоч... Бу қушни инсонлар алоҳида меҳр билан ардоқлаб, бўлакча эъзоз қиладилар. Унга уйланининг туридан бошпана бердилар. Халқимиз қадимий ақидага кўра қалдирғоч кирган хонадонга хайру — баракка ёғилди, деб беҳиз айтмаган. Бу қушнинг ўзига озор етказиш эса увол ҳисобланган. Келинлар, азиз ёру биродарлар, буюк ҳалоскоримиз бўлган қалдирғочга биз ҳаммиса бағримизни очайлик. **Фатхулла ХИКМАТОВ.**

Н а з м
САХОВАТ НАСИҲАТ

Саховат кўрсатиб, шодумон яша, Қалбингда қуёш у, чароғон яша. Саховатинг қанча кўп бўлса, билгил, Дилингда шунчалар нур, шимон, яша. Саховатни англа, Аллоҳ севадур, Тапсрига севилиб, эй инсон, яша. Саховат ювадир гуноҳларни ҳам, Карамини кўп қилу подкомон яша. Саховат одамни бахтиёр этар, Муродийнинг дили осмон яша.

Тонг билан қўнглингда ёнглин ишур, Вужудингда ўйнар шунда бир хузуру. Диррим тонглари муңчалар зебо, Ҳар саҳар туялман оламча гуруру. Тонг маҳҳан битмакка қаламим шайдур, Қўшимда, сўзимда балқисай суруру. Чеҳранда офтобнинг зарраси ўйнар, Ушан, одамларга етсин ушбу нур. Етдим Муродимга, Ватаним озод, Ҳар тонг истиқлолга айтаман шукруру. Тўхтамурод ФАЙЗУЛЛО.

ҚУНҲИМ ОЛМА

Баъзиларда қўнглин кўчаси, Қайларгадур бошлайди сени. Тўғри йўлни топмасанг агар, Қўзларингни ёшлайди сени. Айрим ишлар қўнглинги тубида, Армон бўлиб қолмасин дейман. Кейинчалик виждон азоби, Ўз қаърига олмасин дейман. Қўнғиллар бор мисли қор мисол, Эриб кетар хушомад сўздан. Ҳаммага ҳам ишонма дўстим. Эҳтиёт бўл мастона кўздан. Орзуларинг сени гоҳида, Парвоз этар тоғу тош ошиб, Қайси гулни узиб олай деб, Уйлаб қолар ҳаёлинг шошиб. Қўнглин сени итилсин доим, Чорлагувчи илоҳий нурга. Шунда умринг ўхшайди сени, Порлаб турган жавоҳир-дурра.

Мен билмадим нега ҳам, Олмани олма дерлар? Севмасанг ёр қўнглига, Фулгула солма дерлар. Кимгадур қўлоқ солсам, Менга бир сўз айтмади: Олмани сен олабер, Кўп ўйга толма дерлар. Олма ўзи билсангиз, Табиагинг неъматини. Агар хор бўлар бўлса, Шохидан юлма дерлар, Олма бору, боғ гўзал, Шундайин тақдир азал. Олманингу гуноҳига, Сен кейин қолма дерлар. Ёдинда тут хаққимнинг, Эски бир ҳикмати бор, Севмаганга сўқаниб, Уятга қолма дерлар. Олма бўлиб баҳона, Аҳднингга гўзал ёзди. Аҳднингга бўл вафодор, Бевафо бўлма дерлар.

Хусан АҲМЕДОВ.



Улкамизда етиштирилган тилими тилини ёрадиган қовуларимизнинг таърифи чексиз. Рашид Галиев олган сурат.

Театр
ЯНГИ МАВСУМ РЕЖАЛАРИ

Муқимий номидаги ўзбек Давлат муסיкий театри жамоаси ўзининг навбатдаги 60-юбилей мавсумини «Сойибхўжа» операцияси» спектакли билан очди.
Театр директори Абдушуккур Шомуротов билан бўлган суҳбатимиз театр мавсуми, унинг режалари хусусида бўлди.

— Мавсумнинг айнан «Сойибхўжа» операцияси» спектакли билан очишлишининг боиси нима?

— Бу асар ўтган мавсумимизнинг энг охири янги сахна асари бўлиб, бутун умрини Муқимий театрига бағишлаган ажойиб кулги дарғаси, комик ва ҳажвий роллар устаси, Ўзбекистон халқ артисти, марҳум Сойиб Хўжаев хотирасига бағишланган. Қолаверса, «Сойибхўжа» операцияси» асари билан ёш муаллиф Санжарали Имомов драматургияга, сахна санъати оламига ташриф буюрди. Бинобарин, мазкур асар ёш драматургимизнинг дебюти, илк асари ҳисобланади. Биз муаллифини қўлаб-қувватлаш, унга рағбат ва илҳом бағишлаш мақсадида ҳам мавсумни айнан ана шу спектакл билан очишга қарор қилдик.

— Утган мавсумнинг ахамиятли жиҳатлари ва янги мавсум режалари хусусида ҳам тўхталиб ўтсангиз.

— Утган мавсумимизда ҳам муҳлисларимизни бир қатор янги асарлар билан хушнуд этдик. Муҳлисларимиз бу театр санъати мутахассислари бу асарларни жуда яхши қабул қилишди. Утган мавсумда амалга оширилган муҳим бир тадбир театримиз жамоаси учун ҳам жуда қувонarli бўлди. Театримизни нур ва иссиқлик билан таъминлаб турган бутун электр тармоқлари янгиланди, электр билан боғлиқ барча усуна ва жиҳозлар алмаштирилди. Театримиз нурга, зиёга кўмилди, бу борадаги қийинчилик ва ташвишларимиз бартараф бўлди. Фурсатдан фойдаланиб, ана шу ишларни амалга оширишда бош-қош бўлган, бизнинг барча амалий тақлиф ва ташаббусларимизни маъқуллаган Ўзбекистон Республикаси маданият ишлари вазирлигиниқда мутасадди ходимларга театримиз жамоаси номидан катта миннатдорчилик билдирмоқчиман.

Янги мавсумда эса ҳар қачонгидан ҳам катта ишларни режалаштирганмиз. Бу мавсумда биз учун қадрли ва унутилмас бўладиган воқеа — театримизнинг 60 йиллик юбилейини муносиб нишонлашдир. Юбилейга тайёргарлик ишларини ҳозирданок бошлаб юборганмиз.

Сахнага қўйишни мўлжаллаган бир неча янги асарлар бор. Шунингдек, драматурглар Ҳайитмат Расул, Боборахмон Омонов (Бобо Дарвеш), Санжарали Имомов театримизга янги асар ёзиб беришни ваъда қилишган. Бастакорлардан Фарҳод Олимов, Алишер Икромов билан ижодий ҳамкорлик қилиш ниятимиз бор. Бу борадаги ишларни ҳал этишда бизга Республика бастакорлар уюшмаси яқиндан ёрдам беради.

— Ватанимиз Мустақиллигининг 7 йиллиги муносабати билан ҳукумат унвонлари, мукофотларига сазовор бўлганлар орасида театр санъаткорлари ҳам бор...

— Утган йили жамоамиздан беш киши Ватанимизнинг фахрли унвонларига сазовор бўлиб бу воқеа ходимларимиз ўртасида катта шодийнага айланиб кетганди. Бу йил эса театримизнинг етакчи артистлари, катта истеъдод соҳиблари бўлмиш Меҳри Бекчонов ва Одина Назруллаева «Ўзбекистонда хизмат кўрсатган артист» фахрий унвоига сазовор бўлдилар. Йўлбошимиз олиб бораётган сиёсатининг энг қувончбахш томонларидан бири шундаки, ана шундай улғу байрамлар арафасида бутун куч-гайратини, салоҳиятини санъатга бахш этган фахрийларимиз четда қолаётгани йўқ. Бу сафар ҳам меҳнат фахрийларидан катта бир гуруҳи ҳукуматимизнинг фахрли унвон ва мукофотлари билан тақдирландилар. Ана шулар қатори бизнинг театримиз фахрийлари — Ўзбекистонда хизмат кўрсатган артист Анвар Юсупов ва Райхон Тўраева «Эл-юрт ҳурмати» орденига сазовор бўлдилар.

Театрнинг 60-юбилей мавсуми очишлишига биз бутун жамоамиз ходимларини, фахрийларимизни тақлиф этдик. Ҳукумат унвонлари, мукофотларига сазовор бўлганларни зални тўлдириб ўтирган томошабинлар кўз ўнгиде табриклар, уларга кучоқ-кучоқ гуллар ҳада этдик.

Суҳбатдош Моҳира КАРИМОВА.

...Онаси Жаннатнинг «кет-майман» деб оёқ тираб олган бўлишига қарамай, уни ва невараларини Жаҳонгирнинг олдига солиб уйига жўнатди. Она эмасми, икки неварасининг тирик етим бўлишини истамасди. Бунинг устига кўёви бутун айбига икор бўлиб, кўз ёши тўкиб, бош эгиб турди. Жаннатнинг оёғига йиқилгудек бўлиб уэр сўради. «Эр бўлса шунчалик бўлар-да», деди она.

...Жаннат ноилож Сардор билан Санжарни кийинтирди. Қолган кийим-бошларини бўхчага тугди. Онаси билан хайрлашар экан кўз ёши қилди.

— Йўллама қизим, болаларингни ўйла. Инсон фарзанд кўргунча ўзи учун, фарзандли бўлганидан кейин эса фарзандлари учун яшати кераклигини унутма. Шириндан ҳам шакар болаларингни ота меҳридан бенасиб этма. Калта ўйлама. Тўқликка шўхлик қилмаларинг болаларим, — деди оназор.

Нигор хола кўёвига ҳам анча насихат қилди. Набираларини бир-бир бағрига босди. Унинг ўргимчак түридек ажинлар ичра нурсиз кўринган кўздан ёш оқди. Барибир юраги уйишди.

— Жаннат, болам, Сардор билан Санжарни ташлаб кетақолинглар. Икки-уч кун туришсин, кейин олиб кетарсизлар, — деди она паршонлик билан.

Жаҳонгир унамади. «Уларни уйдагилар ҳам соғинишган, олиб кетмасам бўлмайди» деди. Улар шундоққина ўйла-

рининг орқа томонидаги йўлдан автобус бекатига томон индамай боришарди. Машиналар ишдан қайтиш пайтига тўғри келгани учунми ёки ҳар кунги ҳолатми, ишқилиб жуда серқатнов эди. Ўртадаги жимликни Жаҳонгир бузди:

— Айтмадимми сенга, — деди у томдан тараша тушгандек, — уйингга сиймайсан, чиққан қиз, дейишадди сени. Айтганимдек онанг бир ҳафтадаёқ олдимга солиб юборди-ку?!

Турмуш чорраҳаларида

КИМ АЙБДОР?

Қалайсиз энди, оймича? ..

Эрининг устомонлиги унинг юрагини ханжар каби тиглади. Асаби таранглашди. Дунё кўзига жуда ҳам тор бўлиб кўринди.

— Сиз онамни унақа деб ўйламанг. Кўз ёши тўкиб, уэр сўраганингиз-чи? Азалдан онам эркакнинг кўз ёшига тоқатлари йўқ. Ўзлари етимликда катта бўлганларини, ҳамон ота меҳрини кўмсашларини яхши биласиз. Шунанга дейишингизга ақлим етарди. Шунинг учун ҳам кетмайман деб туриб олганим...

— Кетардинг, кетмаганда қаерга бормоқчи эдинг? — киноя қила бошлади Жаҳонгир. — Ёки бошқасини топиб улгурувдингми-а?!

— Бас қилинг! Жонимга тегди кинояларингиз. Кўз очиб кўрганим, севиб етишганим сиз нима каромат кўрсатайсизки,

гир ҳам уни жеркиб берди.

— Санжар йўлнинг ўртасида кетвотти, билдизми, — деди у йиғлашга шайланган лабларини чўчқайтириб.

Бу сафар ҳам Сардорнинг гапини ҳеч ким эшитишни истамасди. Улар ҳамон жикқлашиб, тортишиб, бир-бирларини куракда турмайдиган гаплар билан ҳақоратлаб боришарди.

— Бўлди, етар ҳамонки, шундай экан, онамникига ҳам, сизнинг уйингизга ҳам бормайман. Иккала боламни оламан-да сувга ташлайман ўзимни. Шунда болалар ҳам, мен ҳам сизнинг зулмингиздан кутиламан...

— Болаларни тинч қўй, — деди Жаҳонгир. — нима қилсанг ўзингни қил. Уларни менга қўйиб бер.

— Бекорларни айтмайсизми? Икки кундан сўнг бирини топиб оласиз. Қараб-

сизки ўғай она... Й-ў-қ, ўғай она қўлига ташлаб кетадиган аҳмоқ йўқ!

Унинг гапи чала қолди. Йўлнинг ўртасида кетаётган Санжарни ўқдек учиб келаётган энгил машина чирпирак қилиб юборди... Қип-қизил қонга бўялган ўғлини титраётган кўлларига олар экан: «Ниятингга етдинг...» деди Жаҳонгир Жаннатга кўзи қосасидан чиққудек бўлиб... Жаннат эрининг гапларини эшитмади. Боласининг ёнига етай деганда беҳуш йиқилди...

— Санжар, болажоним, кўзларингни оч, мен бадбахт, ношул отангни! Бизни оғир мусибатга ташлаб кетма! Оч кўзларингни, оч Санжар, — Жаҳонгир телбалардек бесаранжом эди.

Қандайдир бир куч Санжарнинг майса киприқларини аста кўтарди. Жавдираб кўзларини очган Санжар нимадир деб пичирлади.

— Гапир ўғлим, нима дедисан. — Ота ўғлининг пичирлаган оғзига қўлогини тутди. «Мен ўламанми?» деяётганини базўр эшитди.

— Йўқ, йўқ, сенинг ўлишингга йўл қўймайман ўғлим, ўлмайсан.

— Унда йиғламанг, — деди Санжар. Бу Санжарнинг сўнгги сўзи эди...

Эндигина уч баҳорни қаршилаган беғубор, беозор Санжар энди йўқ. Қулиб турган чарос кўзлари энди юмук. Пирпираб турган мужгонлари энди қимир этмайди. Унинг жажжи юраги ҳали яшашини бошламаёқ уришдан тўхтади. Қалбларига қоронғулик чўккан Жаннат ва Жаҳонгир бамисоли ҳайқал эдилар.

Насиба ХОЖИМУРОД қизи.

ТИЖОРAT ХАБАРЛАРИ ВА ЭЪЛОНЛАР

Йўловчилар диққатига!

Ат-Термизий кўчаси чорраҳасидаги Шоҳжаҳон кўчасида иссиқлик трассасининг қайта ётқизиши зарурлиги сабабли, иситиш мавсумига тайёргарлик кўриш мақсадида, шу йил 22 сентябрдан 27 сентябргача барча турдаги транспортларнинг ҳаракат йўналиши ёпилади. 32, 77-сонли маршрут автобуслар ва 11-сонли маршрут толлейбус ҳаракати Муқимий кўчасидан У. Носир, Бобур кўчасигача ва кейин ўзининг йўналиши бўйича ташкил қилинади.

Аҳоли диққатига!

Қишки иситиш мавсумига тайёргарликни яқунлаш мақсадида иссиқ сув таъминотини ўчириш билан қўйидаги иссиқлик манбалари фаолияти тўхтатилади:

- Шу йил 21 сентябрдан 27 сентябргача:
 - ИМ-7 «Авиакорвучилар» (Лисунов кўчасидаги Ғалабанинг 40-йиллиги т/ж мавзеси, Бирлашган, Слоним, Элбек, УЖҚҚ);
 - ИМ-8 «Сергели» (Сергели туманидаги Сергели т/ж мавзеси);
 - ТошИЭМ (У. Носир, Қушбеги, Бошлик кўчаларидаги т/ж мавзелари, Бобур, Нукус, Ш. Риставели, Лохутий, Афросиёб, Охунбоев кўчалари, шаҳар маркази туманидаги М-1, М-2, М-4, М-5).
- Шу йил 5 октябрдан 11 октябргача:
 - ТМ-9 — Янги Чилонзор (Чилонзорнинг 13—15 а, 21—25, 30, 31-мавзелари, Лутфий кўчасидаги, Изза, Уриқзор);
 - ТМ-10 Шимолий-Ғарбий (Ибн-Сино, Белтепа, Фаробий т/ж мавзелари, Талабалар шаҳарчаси, Тансиқбоев, Қорақамш-2).

ХУСУСИЙЛАШТИРИШ — СИФАТ КАФОЛАТИ

Ўзбекистон Республикаси Президентининг «Хусусий тадбиркорлик, кичик ва ўрта бизнесни ривожлантириши янада рағбатлантириш чора-тадбирлари тўғрисида»ги Фармони мулкдорлар синфини шакллантиришга ўзининг катта хиссасини қўйиши табиийдир. Сўнгги пайтларда соғлиқни сақлаш тизимида ҳам кичик ва ўрта бизнесни ривожлантиришга катта эътибор берилмоқда. Янги ташкил топган ва хусусийлашган тиббиёт масканларида 13 мингдан ортиқ ходимлар фаолият олиб бормоқда. Мана шундай яқка тартибда шифокорлик билан шуғулланаётганлардан бири 2-Тошкент Давлат тиббиёт институтининг доценти Абдурахмон Хасановдир.

— Абдурахмон ака, хусусий тадбиркорлик билан шуғулланишга сизни нима давват қилди, қандай зарурат туғилди хусусий шифохона очишга? — Хар бир шифокор албатта докторликни бошлагандан кейин ўзини хусусий шифохона бўлса деган ниятда юради. Лекин бунда фақат ниятнинг ўзи етарли бўлмайди. Бунинг учун ҳаракат қилиш, ўқиш, ишланш керак. Ана шундангина ниятга эришиш мумкин. Мен ҳам 2-ТошМИда ишлар эканман, ўзимда хусусий шифохона бўлишини ният қилган эдим. Ва шу фаолиятни бошлаш учун Чилонзор тумани ҳокимлигига мурожаат қилдим. Ҳокимлик мурожаатимни қўллаб-қувватлаб, бир эски бинони тавсия қилди. Шу тарихда ўз фаолиятимни бошладим.

Бундай фаолиятни бошлашга эҳтиёж бормиди? Албатта бор эди. Хар бир бемор ўзи соғлигини тиклаш учун ўзи хоҳлаган, ўзи яхши кўрган, ўзи ишонадиган шифокорга бориб мурожаат қилади. Менга ҳам ана шундай беморлар мурожаат қиларди. Уларга сифатли тиббий ёрдам кўрсатиш учун ўзимнинг хусусий шифохонамни очдим.

— Сиз қандай турдаги касалликларни даволайсиз? — Хусусий тадбиркор бўлиб, шифохона очгандан кейин, албатта бу қирилган бинони, унга кетадиган сарф-харajatларнинг ҳаммасини қоплаш учун фойда кўриб ишлашингиз керак. Бу ерда бозор иқтисодиётига хос бўлган ўзига яраша тадбиркорлик ҳам керак экан. Буни биз ўз иш фаолиятимизда кўриб чиқдик. Мен ўзим қулоқ, то-

моқ, бурун касалликлари бўйича мутахассисман. Ёш болаларда, катталарда қулоқдан йирин оқиши, қулоқда шовқин пайдо бўлиши, эшитишнинг заифлашуви, бурун касалликлари, нафас олишнинг қийинлашуви, ҳалқум касалликлари қабиларни жарроҳлик усулисиз даволаймиз. Мана шунинг учун ҳам шифохонамизга келувчи касалларнинг кети узилмабди. Беморларнинг кўпайиши шифохонамизга янги талабларни қўймоқда. Касалларнинг кўпчилиги ётиб даволанишни илтимос қилмоқда. Лекин бизда бундай имкониятлар йўқ. Аммо бозор иқтисодиётига ўтганлигимиз, тадбиркорликни бошлаганимиз туфайли келиб чиқётган муаммоларни ҳам ҳал қилишга ҳаракат қилаёямиз.

— Мана аста-секин давлат қорхоналари ҳам хусусийлашиб бормоқда. Сиз нима дейсиз, хусусий шифокорларнинг келажиги қандай бўлади? — Келажиги албатта порлоқ. Давлатимиз раҳбари бу йўлни қўллаб-қувватлаётган эканлар келажикда хусусий тадбиркорларга янада кенг йўл очилади. Уларнинг бемалол ишлашларига шартлар яратилади. Албатта кимда ким ҳалол ишласа тадбиркорлик ривожланаверади.

Шарофиддин ТўЛАГАНОВ суҳбатлашди.



Сокин хиббон қўйида.

Қатрала

ҚУЛИБ ТУРИБ...

Қизим помидор ниҳолларини ўтдан тозалар экан: «Буни қаранг, ада, печак гулми бу?» деб қолди.

— Худди ўзи, — дедим бориб кўргач. — Эсингда бор экан, ўтган йили экинсиз жойда печакгулнинг гуллаганини кўрувдик. Хавасимиз келувчи чиройига. Олма қизим, Ҳадемай шапалоқ бўлиб гуллади. Томоша қиламиз, деб эдим.

Иш билан алаҳсиб, қизимни билмадим-у, гулпечакки кечкиб кўрдим. Қизик, тушимми ё ўнгимми бу ҳол: у ёнидаги помидор палагини чўнама қирмабдики, гулнинг оғзи қарнай. Хандон отиб қулгани-қулган.

— Кулиб туриб бечора помидорнинг жонини олибсан-да, — дедим унга. — Гулнинг чиройини томоша қиламиз деб гафлатда қолибман. Аттанг, ичинг қора экан!

КЕРАКСИЗ ЮК

Шафтолизорда шергим билан маза қилдик. Кетишимиз олдинда қоровул амаки тўкилган шафтолилардан бир пақир тўлдириб олдимизга қўйди.

— Бола-чақангиз есин. Бу-

Кучли қанот

Олим дўстим билан дала айланардим. У йўл-йўлакай одамлардан дехқончилик, ер, ниҳол ҳақида эринмай сўрар ва ўзига маълум гапларини ёқ дафтарига ёзиб қўярди. Дехқонларни ўзидан устун қўйишга ажабланардим.

— Узингиз-ку қишлоқ хўжалиги илмини сув қилиб ичиб юборгансиз, — даладан қайтишга сўрадим ундан. Яна билмасликка олиб сўрайберганингиз нимасиз?

Кўрқокнинг ҳоли

— Бегона эмасман. Менинг аждоғларим ҳам шу ерда униб-ўсган. Ердаги озқуани сен билан тенг баҳам қўриши керак, — ўшқирди ўт экинга.

— Ердан униб чиқибсанки, мени турткилаб, дағдага қиласан. Сени бегона деяпманми?! Тинч қўйсанг-чи, мени, — деди бунга жавобан ювошигина экин.

Боланинг тили ширин

— Дада, дада, кўчада биров бир нарса деб бақирвотти, пул беринг, бериб келаман, — деди ўғли дадасига.

— Мана ўн сўмини олиб бериб бераюқ.

Бола қайтиб келгандан сўнг дадаси сўради:

— Нима гап экан? Нимага бақирибди?

— Сарабодроқ экан, ўн сўмга иккита берди.

— Дада, олиб келган ўйинчоғингиз яхши экан, яна иккита олиб келиб беринг, — деди Шавкатжон дадасига эрқалашиб.

— Нима қиласан шунча ўйинчоғи?

— Уртоғимга сотаман.

— Уртоқларингнинг ҳам дадаси олиб берад...

— Ҳо, сиз олиб келиб берганингизни сотсам пули мен-

Кучли қанот

Олим дўстим билан дала айланардим. У йўл-йўлакай одамлардан дехқончилик, ер, ниҳол ҳақида эринмай сўрар ва ўзига маълум гапларини ёқ дафтарига ёзиб қўярди. Дехқонларни ўзидан устун қўйишга ажабланардим.

— Узингиз-ку қишлоқ хўжалиги илмини сув қилиб ичиб юборгансиз, — даладан қайтишга сўрадим ундан. Яна билмасликка олиб сўрайберганингиз нимасиз?

Кўрқокнинг ҳоли

— Бегона эмасман. Менинг аждоғларим ҳам шу ерда униб-ўсган. Ердаги озқуани сен билан тенг баҳам қўриши керак, — ўшқирди ўт экинга.

— Ердан униб чиқибсанки, мени турткилаб, дағдага қиласан. Сени бегона деяпманми?! Тинч қўйсанг-чи, мени, — деди бунга жавобан ювошигина экин.

Боланинг тили ширин

— Дада, дада, кўчада биров бир нарса деб бақирвотти, пул беринг, бериб келаман, — деди ўғли дадасига.

— Мана ўн сўмини олиб бериб бераюқ.

Бола қайтиб келгандан сўнг дадаси сўради:

— Нима гап экан? Нимага бақирибди?

— Сарабодроқ экан, ўн сўмга иккита берди.

— Дада, олиб келган ўйинчоғингиз яхши экан, яна иккита олиб келиб беринг, — деди Шавкатжон дадасига эрқалашиб.

— Нима қиласан шунча ўйинчоғи?

— Уртоғимга сотаман.

— Уртоқларингнинг ҳам дадаси олиб берад...

— Ҳо, сиз олиб келиб берганингизни сотсам пули мен-

Кучли қанот

Олим дўстим билан дала айланардим. У йўл-йўлакай одамлардан дехқончилик, ер, ниҳол ҳақида эринмай сўрар ва ўзига маълум гапларини ёқ дафтарига ёзиб қўярди. Дехқонларни ўзидан устун қўйишга ажабланардим.

— Узингиз-ку қишлоқ хўжалиги илмини сув қилиб ичиб юборгансиз, — даладан қайтишга сўрадим ундан. Яна билмасликка олиб сўрайберганингиз нимасиз?

Кўрқокнинг ҳоли

— Бегона эмасман. Менинг аждоғларим ҳам шу ерда униб-ўсган. Ердаги озқуани сен билан тенг баҳам қўриши керак, — ўшқирди ўт экинга.

— Ердан униб чиқибсанки, мени турткилаб, дағдага қиласан. Сени бегона деяпманми?! Тинч қўйсанг-чи, мени, — деди бунга жавобан ювошигина экин.

Боланинг тили ширин

— Дада, дада, кўчада биров бир нарса деб бақирвотти, пул беринг, бериб келаман, — деди ўғли дадасига.

— Мана ўн сўмини олиб бериб бераюқ.

Бола қайтиб келгандан сўнг дадаси сўради:

— Нима гап экан? Нимага бақирибди?

— Сарабодроқ экан, ўн сўмга иккита берди.

— Дада, олиб келган ўйинчоғингиз яхши экан, яна иккита олиб келиб беринг, — деди Шавкатжон дадасига эрқалашиб.

— Нима қиласан шунча ўйинчоғи?

— Уртоғимга сотаман.

— Уртоқларингнинг ҳам дадаси олиб берад...

— Ҳо, сиз олиб келиб берганингизни сотсам пули мен-

Шаҳар болалар маслаҳат-ташхис марказида шаҳар Соғлиқни сақлаш бош боксмармаси ҳамда Халқ таълими бош боксмармаси томонидан олти ёшли ўғил-қизлар илк марта табибий кўриқдан ўтказилмоқда. Ушбу текширувлардан кўзланган мақсад ҳамда туманларда фаолият кўрсатаётган болалар поликлиникаларида олиб бориладиган тиббий кўриқлардан фарқи ва унинг аҳамиятини билиш учун марказда бўлдиқ ҳамда одамлар билан суҳбатлашдик.

Соғлом авлод учун

ЕТУК МУТАХАССИСЛАР КҮРИГИДАН

- Раъно НОСИРОВА, Чилонзор тумани фуқароси: — Кенжа фарзандим ҳозир олти ёшда. Болаларнинг маънавий мутахассислар томонидан махсус тиббий кўриқдан ўтказилиши айни мудоаб бўлади. Шу орқали биз болаларимизнинг ҳаттоки вази ва бўйи қанча эканлигини ҳам билиб олдик. Бундан олдинги учта фарзандим мактабга чиққандан аввал поликлиникада тор доридарти текширувдан ўтарди холос.

Энди эса ўғил-қизларимизнинг қай даражада жисмоний ва ақлий ривожланганлиги ҳақида ҳам тасаввурга эгамиз.
- Рўзиали МЕЛИЕВ, Бектемир туманидан. — 6 ёшли Тоҳирбек ўғлимни тиббий кўриқдан ўтказишга олиб келдим. Уларни етук мутахассислар томонидан кўриқдан ўтказилиши мактабга соғлом йўналтиради. Зеро, соғлом танда соғақ деб беҳиж айтилмаган. Кўриқнинг жадвал бўйича, тартиб билан ўтказилиши натижасида ортиқча овора-гарчилик ва асаббузарликлар юз бермапти. Жойлардаги поликлиникаларда соҳа мутахассислари етишмаслиги мумкин. Бу ерда эса энг тажрибали шифокорлар жалб этилган. Авваллари поликлиникаларда бола мак-

табга чиқишга санокли кунлар қолгандагина юзак текширувдан ўтказилиб, соғлом деб ёзиларди. Эндиликда бунга чек қўйилди, деса бўлади. Мана шундай махсус тиббий кўриқларни ҳар йили ўтказиш лозим деб ўйлайман.

Муассар АБДУСАМОВА, марказнинг иккинчи маслаҳат бўлим бошлиғи:

— Мактабга чиқиш арафасида турган 6 ёшли ўғил-қизларни саломатлигининг қай даражада эканлигини аниқлаш мақсадида махсус комиссия тузилган. Унда педиатр, жарроҳ-ортопед, невропатолог, кўз шифокори, эндокринолог, қулоқ-бурун-томоқ аъзолари шифокорлари, тиш шифокори ва психоневрологлар болалар саломатлигини текширмоқдалар. Агарда улар орасидан бирортасининг касалликка чалинганлиги аниқланса уларга дарҳол ўз туманларидаги болалар поликлиникасида даволаниш учун йўлланма берилади. Бирок туман поликлиникаларида даволониш мутахассис бўлмағлиги мумкин, шуни инобатга олиб 15 августдан бу ерда даволониш марказ очилди. Олти ёшли бола етти ёшга тўлгунга қадар саломатлигини тиклаб олади.

Наргиза ПИРНАЗАРОВА

Нилҳол

Бош муҳаррир Урнбосарн Солиҳ ЁҚУБОВ

Телефонлар: хатлар — 133-29-70; эълонлар 133-28-95, 132-11-39, факс (3712) 133-29-09.

Манзилимиз: 700000, Тошкент шаҳри, Матбуотчилар кўчаси, 32

Муассис: ТОШКЕНТ ШАҲАР ҲОКИМЛИГИ

Душанба, торшанба ва ҳуфта кунлари тижорат. Ҳафт кўраёйиши 209

Нашрни етказиб бериш масалалари бўйича турар жойлардаги почта бўлимларига ёки «Тошкент почтасига» 133-74-05 телефонига мурожаат қилишингиз мумкин.